

嘉筆禾微獻錄

嘉禾徵獻錄卷二十三

六科

郡人盛楓丹山輯

男支焯校訂

葉繼美子培恕

陳禧

谿子翰

曹仁四世孫鎮五世孫禎秩

憲來父名卿子恂

履泰父嘉謨

元方

朱大雅子萬錡洪彞

邦圻

陳禮子謨

張寧

從子璿妻高寒香李晚翠

嘉秀本生祖寬子奉祖

宗弘暹

祖仁父穆從子大經

許相卿

六世祖懋兄揖卿弟樞卿材卿

聞造子令瑜子翕

士奇祖聞至

令典

虞志曾妻步氏

廷陞兄廷陞陞子贊堯

周曾祖文忠

沈伯咸

趙漢

伊子邦程

邦秩子琮

邦泰

孫宋儒

鍾梁父海

子韶夏勺 孫祖保

兆斗

祖重熒祖晟族孫重先

葉繼美字章含號鹿吳嘉善人萬歷丙子舉人癸未進士知金谿縣丁憂補蕪湖邑為南北孔道美饒幹

畧稱大治

江南通志有傳

擢刑科給事中三王並封詔下南

刑部郎中譚一名主事孫繼有以劾閣臣王錫爵被

譴繼美疏救奪俸行人高攀龍力爭得罪又為申救

甲午出典湖廣鄉試還奉使封荆藩進吏科右轉左

尋轉都給事中以阻東事削籍後東事敗一如繼美

言終不得申理子培恕字行可萬厯戊午舉人崇禎

甲戌進士知崑山縣降福建按察司照磨不赴

陳禧秀水人天順中以貢授常德府教授累遷瑞州

府同知有武陵唱和詩一卷子諡

謫字汝謀弘治乙卯舉人丙辰進士選庶吉士改
吏科給事中上言國家承平既久府部之所遴選邊
徼之所蓄養堪為民將帥者幾人膏粱紈綺濫握統
兵之權鄙懦庸劣謬膺推轂之任欲望其成敵愾奏
膚功難矣請敕兩京并天下諸司博訪世胄官兵草
澤民庶有諳曉韜畧通識戰陣使習弓馬膂力過人
堪為將領者禮遣上之兵部考其可用奏留京營其
次分送邊方操練從之有東溪稿茅坤文集給事以入朝墮馬死于
瀚一作嘉靖甲午應天舉人廉州府同知補延安再

補吉安有求志齋詩集

曹仁字天爵海鹽人其先宋武惠王彬弟彬之後洪武甲子詔天下州縣歲貢年深成效生員一人入國學仁充選是年秋即中應天鄉試乙丑成進士授都水主事乞休歸集先世以來歷官遺事為曹氏家乘仁四世孫鎮弘治壬子輸粟賑饑授七品官五世孫禎嘉靖甲寅倭寇邑之石墩轉掠大康橋禎與弟秩招義勇乘賊不意擊破之邑令鄭茂旌其門曾孫憲來

憲來字公振父名卿鴻臚署丞憲來以貢授肇慶府通判子恂字子木崇禎壬午舉人憲來娶同郡少詹陳懿典女典無子以憲來為子子孫遂姓陳氏

履泰字大來仁裔孫父嘉謨萬曆辛卯舉人知羅山縣履泰萬曆丙午舉人天啟乙丑進士知同安縣海寇紅彝交訐邑無兵乃編漁民為伍團結村落互相應援巡撫熊文燦受李魁奇鄭芝龍降未幾魁奇挾鍾斌叛去履泰乃陰搆斌使叛魁奇而復說芝龍招斌斌遂與芝龍合兵圍魁奇斬之天啟丁卯充本

省同考行取授吏科給事中時朝議以芝龍受撫閩
事無憂履泰上疏畧曰今日海上所為有備者安在
禦侮者何人獨一芝龍耳夫長勝之算在於自強不
拔之業存乎根本烏附可攻毒而續命必藉參苓針
砭可偶施而養生必資五穀閩之用芝龍烏附也偶
試之針砭也選將練兵舉賢治賊參苓五穀也不此
務而任一芝龍辦之噫難哉疏入不報時李希揆未
滿秩驟躋銓司履泰糾之希揆嗾大璫王永祚尤悔
作傳云刺同里項珍挾運副張于廉文憑為質券誣

履泰賄屬主爵王三重為子康干請下獄戍嶺南宗
日鈔錦衣衛右都督項俊卿疏項珍即項真臣祖庶
子惡劣性成曹履泰擯之過嚴借憑事中傷履泰
南臺建應天巡撫祁彪佳為訟寃補行人司副金陵
破間道入閩子元方已任常熟知縣亦棄官從謁隆
武於建寧授履泰太常少卿累陞兵部右侍郎時芝
龍擅權與閣臣黃道周相齟齬履泰上疏言時務報
聞而已芝龍兵潰元方還里卒於家

元方字介皇號耕蓮崇禎壬午舉人癸未進士知
常熟縣入閩授文選主事累陞驗封郎中假御史銜

視師江上抵浦城而仙霞嶺失守還求父於贛州迎以歸浙布衣蔬食不入城市者四十年卒年八十有二子三德三才

朱大雅字正之號元渚桐鄉人萬歷己酉舉人知祁門縣有生饒富為人誣訟前令畏其污己名懸而不結大雅至立訊出之生感其恩餉墨數圭磨視之皆赤金也召生至責之曰我所以出汝罪者以素廉謹不畏人議故也今欲以此相污耶生惶恐持去邑有山出土江右陶人買為瓷值二千金例歸於令大雅

以之治稠木嶺險道六十里顏市鎮民變知府擁兵
閉城屬邑令往撫大雅至一言而解知府欲為逆璫
建祠力沮之江南通志稱其以禮導民去之日行李蕭然入為大理評事
論降歸子萬錡字潔湘崇禎丙子舉人洪武榜姓莊
字聲始崇禎壬午舉人從子邦祈

邦圻字無疆號二元萬曆戊午舉人天啟乙丑進
士授荊州府推官戢奸禁暴治行卓然丁卯充本省
同考行取南戶科給事中歷南禮科進兵科都給事
中調吏科在諫垣六載不務搏擊亦不樹黨援尋引

疾歸楊園備忘錄崇禎間朝士多通賄賂朝廷惡之遣衛士譏察甚嚴餽贈者俱易黃金於拜見時
密授朱給諫謂人曰古人畏四知今日只有
三知唯地及爾我而已天亦不得而知也

陳禮字文則崇德人洪武己卯舉人永樂初入太學
授戶科給事中交趾犯順奉命征之奏凱還道卒彭
谿比部集列子謨有至性禮死萬里外親往負骨歸
檇李名士傳

正統中以貢授福安知縣遷刑部主事

張寧字靖之晚號方洲歸叟本德清人父翥戍海鹽
遂為海鹽人寧七歲已能詩長益宏博負經濟之志
正統丁卯舉於鄉景泰甲戌成進士廷對受知於于

謙文華平集方洲廷對策長不能終特為添一卷授

禮科給事中宛平縣以上供繁重乞均之大興寧言

均派莫若節省丙子順天鄉試內閣陳循王文以子

不中式指摘考官寧劾其失大臣體列卿紀王宗彞

天鄉試以學士劉儼侍講黃諫主考文與學士陳循

屬考官中倫及循子瑛既揭曉倫瑛不與選文循誣

劉儼等不公下獄有旨令科道覆試倫瑛文字附

者以倫瑛文章合式具奏得特賜舉人禮科給事中

効陳循罪不報儼得還職景泰晏駕文等誅悉謫口

外為民成化初放還倫後以字宗彞舉成化乙酉鄉

試丙戌第進士終上從唐瑜等奏考覈南京大小諸

南京禮部尚書臣寧言京師尤根本地不當獨免又言京衛帶俸武

職一衛至二千餘通計萬餘員歲需銀四十八萬米
三十六萬并他折俸物動經百萬耗損國儲莫甚於
此而其間多老弱不嫻騎射之人莫若簡可用者補
天下都司衛所缺官而悉汰其餘議格不行上得疾
適遇星變詔罷明年元會百官朝參如朔望寧以四
方來覲不得一覩天顏疑似之際必訛言相驚請勉
循舊典用慰人心上疾不能從而奪門之變作天順
中太監曹吉祥忠國公石亨等竊柄事關禮科者寧
輒為裁抑英廟以是頗知寧議事稱真然事并州史
乘考誤

近峯聞畧言嘉興張寧受寵於英宗嘗稱為我張寧
吏部察上意推為巡撫都御史上曰止可作都御史
耶繼推南京侍郎上曰侍北部有缺來說未幾憲宗
即位詔給事中陞二級外補寧僅得通判至知府耳
按寧為禮科都給事受知英廟果欲大用之然吏部
實未嘗兩推至成化初吏部推修撰岳正為兵部侍郎
寧僉都御史詔與在外四品岳得與曹石愈惡之
化知府寧得汀州知府未嘗陞通判也
謀構以他事不可得會朝鮮王李瑄與毛憐衛相讐
殺朝議遣使問罪遂力薦寧被旨與都指揮武忠往
錫以一品麒麟服位忠上既行而遼東奏彼方讐殺
特詔寧自擇進止寧曰君仁臣忠義難自便遂行至
朝鮮示以威德竟解其讐明史稿寧辭義慷慨而忠
驍健張兩弓折之射雁一

癸墜朝鮮朝鮮遣世子入國學靜志居詩話黃門賦
人大驚服水館星郵留題殆偏陪臣撲元亨以刑曹判
使朝鮮水館星郵留題殆偏陪臣撲元亨以刑曹判
司為館伴詩篇酬和殊不相下及登太平館樓黃門
成七言長律六十韻元亨誦至溪流殘白春前歸朝
雪柳折新黃夜半風句乃閣筆曰不能屬和矣歸朝
擢都給事上因災變省愆寧會六科請詔在京衙門
將批政苛法當改者悉以聞優詔允之方嚮用而上
崩成化改元御經筵乞進講大學衍義以裨聖學經
考載其語曰大學衍義一書永經據史博古通今言
天必有徵於人語事而不遺乎理錄善惡以示百世
王之監戒廣節要以盡八條目之工夫忠臣愛主之
誦導箴規人君治世之格例律令於今可見盡在此
書部院缺尚書等官薦召巡撫王竑李秉還朝雜記

寧欲上疏乞起曹州李公秉為兵部尚書河州王公
茲為都御史掌院事密以草示南陽李公視其草
正言曰薦人但當言其可用若預擬其為其官於事
體得無礙乎寧乃易草以進翌日御批出王為兵部
李掌院事後有問其故者文達曰事在朝廷不可知
也意者上以王公度忠邪太明置之彼處恐不能靜
耶然皇太后生辰禮部尚書姚燠斂大臣錢市香詣
寺觀祈福寧上言人臣當和衷敬德仰贊聖孝以綏
懿祉不當崇奉釋老傷壞名教不報有請以天縱二
字加孔子尊號者寧言孔子道大德尊貴明其理以
行其道不在封號求勝寧負志節持正議聲稱藉甚
然不為大臣所喜大璫覃苞素重寧累遣人邀與相

見不往給事中王徽以劾內閣李賢得罪寧率六科
論救更與賢忤會兵部尚書王竑等薦寧堪僉都御
史得旨會舉多私寧予外任乃出為汀州知府期年
引疾歸時年四十一巡按御史劉珂張學累薦終不
起戴冠濯纓亭筆記張公寧以疾乞休尚書李秉侍
起郎葉盛黎淳並奏起公皆以疾辭王端毅道郡城
特造公敦勸之卒不起閒居三十年絕蹟不事干家
請藩臬士夫東西行者靡不造謁得一接見為幸家
居三十年卒有方洲集四十卷寧無子以兄孫嘉秀
為嗣晚歲悉遺諸姪明世說新語張寧晚年無子禱
於家廟曰寧何陰禍至辱先人
旁一妾遽云誤我輩即陰有二妾曰寒香晚翠寒香
隲耳公即日嫁者數人

姓高氏晚翠姓李氏年十六七不忍去乞一閣同處
局鑰之留一實以進湯粥遂引刀各截其髮寧見其
苦志從之自後寂居此閣絕不與外通聲問寧卒設
席閣中旦夕哭臨服三年喪嘉秀登第宦歸二氏已

踰五旬始啟鑰出親戚莫不憐敬之請於朝旌曰雙

節明史稿有傳二妾附寧題士女圖落句云陽春宛宛白日暮

空抱花歸洞房人以為二姬之識云徐鉉本事詩

剪髮自誓詔旌為雙節釋明秀詩云交剪雲髮報主

恩鏡臺花落洗頭盆同心誓死方洲上霜月寥寥夜

照門一時和者甚衆嘗過杭州溪墨寫月送飛鴻手

揮五絃圖縱橫潦草侍婢笑之題詩云閒尋敗筆作

圖畫小鬟侍立笑欲倒山頭頽是土灰堆樹寧為文
根亂若蓬蒿草所云小鬟殆即寒香晚翠乎追念舊
動遵古法思愴然興涕歌詩本具才敏因鮮沈思雖
為一時之雄終亦善畫規摹宋氏紫桃軒雜綴黃門
非百世之業人點染余少年曾見其海天落照石梁飛瀑二
幀於裝潢匠家極詭麗奇偉之致惜罕再遇墓在
邑西順寧橋靜志居詩話黃門築方洲草堂於海濱
飛來巖曰宿雨曰滴露洞曰歸雲坡曰蘭雪岫曰茶
煙嶠曰咏月磨曰卓筆泉曰洗研池曰映山皆刻於
石通目之從子璿弘治中番禺訓導亦工書畫
曰一笑山

嘉秀字文英本生祖寬騰驤左衛經歷嘉秀嘉靖
戊子舉人已丑進士授南刑部陝西司主事歷山東

司郎中謫饒州府同知未幾挂冠歸子奉祖官金城
寨巡檢奉先陽信縣丞

宗弘暹字進甫嘉興人祖仁布政司都事父穆鄉貢
弘暹嘉靖戊午與從子大經同舉於鄉壬戌成進士
知豐城入為刑部主事調武選擢兵科給事中轉工
科右河決徐呂二洪水勢嚙蝕不止又寶應湖夙有
風波之患漕艘商船苦之議開徑道於徐築腹河於
寶應工成至今賴之改刑科左疏請祀王守仁於孔
廟進禮科都給事中癸酉萬厯改元祭告南鎮病歸

卒無子

明史稿譏其希張居正指劾罷吏部左侍郎魏學曾

弘暹在豐城監籍

嚴嵩家產見嵩手數冊問何書曰此經驗方欲借以娛晚景一令曰公視諸方有能醫楊繼盛沈鍊頸瘡否嵩默然乃攫而投之火

許相卿字台仲

一作伯台

本海寧人移家海鹽之紫雲山

因占籍六世祖懋洪武初海州同知兄揖卿弘治甲

子舉人相卿正德改元丁卯舉人

董穀作先生行實丁卯舉於鄉故事

同廩生各贖舉者廩一鍾先

公車罷即從王守仁講

學又與太初山人孫一元長洲文徵明友善以詩倡

和聚書萬卷有終焉之志後十年丁丑登進士世廟
選授行人與夏言同官甚相得擢兵科給事中中官
張銳張忠有罪論死忽降旨寬之給事中顧濟疏爭
下所司議欲賞其死相卿言天下望陛下為孝皇陛
下奈何自處以正德帝議加興獻帝皇號相卿復爭
之未幾詔蔭內臣張欽義子李賢為錦衣衛世襲指
揮相卿言于謙子冕止錦衣千戶王守仁子憲止錦
衣百戶賢中官養子反過之忠勲大臣裔曾不若近
倖奴殉國勤事之臣誰不解體尋復言天下政權出

於一則治二三則亂公卿大夫叅議則治匪人僭干
則亂陛下繼統之初登用老成嘉納忠讜裁抑僥倖
竄殛憐邪可謂明且剛矣曾未再期偏聽私昵秕政
亟行明少蔽剛少遜操權未得其術而陰伺旁竊者
得居中制之如崔文以左道罔上師保臺諫言之而
不聽羅洪載守職逮繫永陵編年錦衣百戶張瑾監
倉索羨凌人主事羅洪載擬
初之瑾故哀懇願受笞洪載以為實畏己也笞
之瑾遂以違制擅撻錦衣奏聞帝怒命逮訊廷臣
疏七十上而不行近又茫崔文之奴奪法司之守永陵
編年太監崔文所養李鳳陽謀寃城卒需索工值至
有身在工所而復征役錢者御史劉黼白其奸狀工

部尚書趙璜執送刑部訊之而崔文私囑林俊求免
俊不從遂誑帝移獄鎮撫司俊執不發文乃以抗旨
劾俊帝怒斥林俊以違旨怒言官之奏擾事涉中人
切責俊曲降溫旨犯法不罪請乞必從此與正德朝何異哉
俊國之望也其去志決矣俊去而類俊者必不留陞
下將與二三近習私人共理天下乎今日天下與先
朝異武宗時勢已阡危然元氣猶壯調劑適宜可以
立起何也承孝宗之澤也今日病雖稍蘇而元氣已
竭調劑無方將至不起何也承武宗之亂也伏願深
察禍機收還政柄取文輩寘之重典然後務學親賢

延訪忠言深恤民隱務使官府一體上下一心而後
天下可為也上卒不聽以給事中李學曾章僑主事
林驄皆言事奪俸復上疏諫指上氣驕志怠甘蹈過
譽辭甚切為給事三年所言皆不聽遂引疾歸自號
雲村老人製短簑大笠力耕自給常騎黃犢以二鶴
自隨冒雪登山巔賦詩人以為神仙己丑詔養病官
三年以上不赴都供職者悉削籍相卿遂廢植杞樹
於庭繁茂九莖因復稱九杞山人見古錄孫一元隱於
道場山亦時與往來為買飼鶴田於苔上有士人求

京師故人書則曰公至京有人相問第言相卿死矣

聞者絕倒夏言再相舟過嘉興相卿微諷止之言不

聽卒及於禍見只編文慙召起道經嘉禾邀先生決

也先生葛巾荔帶刺一小時潘泉郡縣鑾舟祇候道相望

如許不荅第言可惜李長源却受觀察判官夏正襟

起謝曰便當疏辭以奉明教須臾趨相卿預知死期

鼓回帆祇候者星散夏憮然遂不果相卿預知死期

平生相知各作啟別之一啟已發追還曰中一字須

改改畢使者未行已脩然逝年七十九明史稿著黃

門集十二卷靜志居詩話雲村淡於官情居紫雲山

一入城市其卒也聞人嘉言輒以詩云平生城市無

雙履何物榮衰到兩眉蓋實錄也詩取適意集出其

手刪自題絕句云雲村病老語多咙造次詩成出宋
腔還溯開元論風格拾遺壇上樹旌幢由今誦之諸
體亦自清潤不金雜以宋腔也若老如舊歷弟橋卿
渾無用病戀殘燈亦暫明此則宋腔之佳者
嘉靖乙酉舉人丙戌進士大理寺副材卿貢汶上訓
導遷桐城教諭相鄉子聞造

聞造字長孺號星石相鄉年六十生中萬厯丙子
應天舉人授河間府推官丁憂補東昌行取貴州道
御史東事起劾石星欺罔誤國上憾御史何選謫湖
廣布政司照磨明史稿選為御史激鄭國泰令言於
貴妃早定儲位帝知出選指憾之
既吏部擬用選并謫文選郎馮生虞等聞造乃上言

皇上頃歲以來謂公忠為此周謂論諫為激擾訕銓
衡之所賢撓刑官之所執光祿太常之帑括取幾空
中外大小之官懸缺不補敲扑徧於宮闈桁楊接於
道路論救忠良則愈甚其罪諫止貢獻則愈增其額
奏牘沉擱而莫稽奄寺縱橫而無忌今欲摘陳一事
則慮皇上益甚其事欲摘救一人則慮皇上益罪其
人皇上執此以拒建言之臣諸臣因此而塞進言之
路邇年以來諸臣謇諤之風視昔大沮矣不報戊戌
出按甘肅己亥京察以論劾侍郎張養蒙都御史魏

允貞等謫判奇嵐州野獲編諸公皆負時望且皆西
去位為之報復撫臺魏人說者指為張新建私人張
外謫許疏中所劾大僚魏亦一人也晤時魏懽然留
款稱老道長慰勞有加許故乙科尋乞休歸無疾卒
起家反侃然作色魏終不以介意
明史稿附子敦倬崇禎間當塗訓導遷嚴州府教授
見何選傳子敦倬崇禎癸
敦倬子令瑜字鍾叔號芝田天啟辛酉舉人崇禎癸
未進士知仙游縣海鹽志時莆田張岳令海鹽
棄官歸鬱鬱死令瑜子齋晦蹟著書有鐵函子集聞

造從孫士奇令典

士奇字雅正號抱宇祖聞至字長聖倭寇海鹽徒

跣負父行數十里父歿哀毀骨立里黨稱之

經義考許氏聞

至易經微言未見

兩浙名賢錄聞

至學官弟子以孝友聞卒祀鄉賢祠士奇萬曆庚子

舉人癸丑進士授黃州府推官江多大盜重法繩之

乙卯充河南同考戊午充本省同考陞南刑部福建

司主事提刑署有歲書士奇輯書目編校而序之歷

湖廣司郎中出知成都府還本省副使調廣西叅政

改四川副使奢崇明亂後林野蕭條奇弔死扶傷日

不暇給四年生聚稍繁駐瀘隅閬州一水奢酋保險

倚水西為聲援制府檄奇搗蘭以援黔蘭急與水西

合古菁陡絕不可攻乃以計離其黨改湖廣糧儲叅政擢四川右布政使降松潘道復除陝西右布政使備兵南寧考察歸

令典字同生

一字雅則

萬厯癸卯舉人丁未進士知上

饒調繁無錫左遷南錦衣衛知事陞青州府推官改淮安府教授以卧碑範士葺學宮濬池疏渠清學址之蝕於民者表以石壬子為四川同考淮安府志有傳厯南國子助教刑部廣西司主事京察降徐州同知再入為大理右評事陞左寺正刑部湖廣司郎中知淮安

府視事五月間魏忠賢分遣其黨出鎮各省三司官

無不匍匐拜謁即桂冠歸

見楊園錄

著靈泉羸史集靜

居詩話雅則一官不達意薄淮陽散髮歸田陶潛之屋不豐范蠡之舟偏小藍輿竹杖紙帳繩牀雅饒樂趣所云愛官何似愛吾廬也詩取適意無意求工蓋本於香山擊壤

虞勲字舜臣海鹽人天順己卯舉人母喪哀毀卒少與內閣商輅為布衣交及勲卒有詩哭之勲著梅花百詠詩傳於時玄孫志高字子孝嘉靖庚子舉人與弟志曾相友爱宴會具同赴則不食志曾天志高哭之不一一年亦卒志曾妻步氏苦節賜旌孫廷陞

廷陞字乾颺萬厯乙卯舉人丙辰進士授徽州府
推官擢工科給事中巡視皇城京營管節慎庫未幾
削籍崇禎初通政使呂圖南薦補吏科右給事中轉
兵科以艱歸尋仍以叅趙南星何士晉孫居相史記
事而薦李薊龍等間住崇禎日鈔御史馬鳴世叅其
為韓敬黨吳中彥姻家代之
燒燬天子相堯字在欽崇禎壬午舉人相堯子兆清
鑒錄兆澐廷陞兄廷陞訓導廷陞子贊堯字貞石崇禎壬
午與相堯同中式癸未登進士不仕

周崑字孟登崇德人曾祖文忠字德茂年一百三歲

崑正德庚午舉人嘉靖癸未進士知玉山邑居浙閩
之衝四方往來不絕前令皆務結納崑嚴謝之縣民
吳清妻與所私殺其夫獄久不決崑庭訊一羊自外
入長鳴三崑曰殺清者三人也有三人者色動按之
立服蓋三人自計已脫混衆中探之耳人為賦靈羊
詩一少年挾豔婦從喪櫬於郵亭不哀察之得與主
妾姦狀乃械繫之遣人護其喪歸調進賢丁母憂補
新淦興建學宮及書院拜吏科給事中進右給事擢
刑科都巡視京營都御史劉源清御史馮恩行人薛

侃相繼下獄崑申救之効都督袁繼勲臨戰不力尋
罷歸子幹字質甫鄉貢臨清州同知遷大名通判獲
大盜就遷本府知同

沈伯咸字公甫秀水人初名咸嘉靖改元壬午中式
本省鄉試改今名壬辰成進士授行人改檢討見世宗實錄
尋擢戶科給事中轉刑科右出知寧國府不樂訐
奏文選郎黃禎叅勘不實上以陞官復妄奏降國子

監丞

見明史

趙漢字鴻逵號漸齋平湖人

焚餘稿吾邑趙姓頗繁獨給諫鴻逵公家父子

祖孫歷顯五世今所謂儒學前趙是也以為宋宗室後自是鑿鑿正德丁卯舉人辛

未進士授建昌府推官錄重囚有寃必釋不拘成案

時學使李夢陽檄毀淫祠羣吏懼鬼責雖毀不力漢

一日毀十五祠以風力稱邑人羅拜南戶科給事改

兵科嘉靖初尚書林俊以執奏獄囚李鳳陽被旨詰

責漢因言太監崔文亂政巧逞奸欺不特范一李鳳

陽而已工部尚書趙璜發文家人罪文輒捕其謀者

痛杖幾死曰此杖寄與趙尚書其無狀至此亟望譴

逐毋為新政累不聽既而言官多得罪漢言忠臣易

憤激激則犯忌諱侵近倖而奸邪遂側目以圖之責
以輕率妄言俸可奪坐以不諳事體官可罷夫以內
臣私憤滅天下公言戕天下士類使天下以言為諱
相率阿徇以避中傷豈不岌岌乎殆哉已而哭爭大
禮繫詔獄廷杖歷吏科左以疾去官遷工科都給事
內閣桂萼翟鑾稱病三月張璁久專政柄漢疏萼有
覆餗之戒鑾有伴食之誚璁有夬履之嫌乞諭鑾萼
亟去簡用兩京大臣及家居耆舊以分璁任上摘其
謫字詰之即令舉所欲用漢惶恐言臣欲璁引賢無

私主上怒責其對不以實趣以名上漢益懼言輔臣

簡命出自朝廷非小臣所敢預乃奪俸一月世廟識餘錄漢

疏亦一時正論未嘗深恨於璵而璵尋出為陝西右

不能容密言於上令其疏名以進

參政告歸久之以故官起山西不數月復致仕明史附

許相著漸齋集祐山雜說漸齋佃戶陸姓者頗足衣

稱賊攀指綁縛至舟次出一與捕盜兵數人擁入其家

賊應聲云某物某物拷掠追索不勝苦楚罄所有與

之不足驚田房以贖憤極控之司行縣追問陸素

訥謀於漸齋予以一詩云自昔只聞人捕虎於今駕

虎徧傷民何時得向龔黃語除賊先除捕盜子伊

伊字子衡嘉靖辛卯舉人壬辰進士授南職方主

事時年少人頗易之及莅事不肅而整兵馬官有犯
立逐之巡江指揮縛一大盜至具言夜所以格鬪被
創見獲狀伊勞遣之徐鞠盜稱冤訊其實乃良民駕
木筏而賈者徵諸相保之什伍盡合蓋夜抗官兵真
盜逸矣伊遂釋其縛遣去上官駭愕及事白乃知伊
之明決厯本司員外郎郎中丁母憂補武選中山王
後徐某傳奉官錦衣法不當襲乃營貴璫及嚴嵩子
世蕃得之伊力諍上官不聽拂衣歸久之起車駕遷
廣西副使乞歸侍父伊在南都遇湛若水王汝中刻

意講學獨汝中三教合一之旨伊終不謂然歸十餘
年穆廟立薦者數上其名竟不起卒年六十二嘗言
平生最多夢卒未嘗夢受人物著序芳園稿檇李往哲編有
傳子邦秩後次邦程蘇州府訓導連城教諭

邦秩字元敘嘉靖乙卯舉人久不第時限年深舉
人不得與會試萬厯丁丑與諸大圭等抗疏以請有
旨聽試遂成進士知海門縣築呂四堤開運鹽河以
勞卒官子琮字伯裕萬厯己酉順天舉人高陽教諭
著葩經約說見經義考

邦泰字元美父偕漢次子邦泰嘉靖戊午應天舉人授南安府推官母老乞休子志堂不仕孫曷更名宋儒號明南萬厯庚子舉人知遼陽自在州終河東運同

鍾梁字彥材海鹽人父海天順間以掾吏任懷遠丞與邑令梅純不協至上章自劾與純俱落職明史蔡駙馬都尉殷之玄孫成化辛丑進士忤上官棄歸襲武階至中都副留守懷遠作定遠記徐咸西園雜記純所著有錄又七年起萬安丞數月歸海之落職也損齋備忘錄以聞命日生梁取鄒陽上書之義名之曰梁中正德

庚午舉人甲戌進士授刑部主事諫上南巡受杖世
廟嗣位錄其忠加俸一級日精門災慮囚江南平反
殊死者百三十人擢知濟南府平萊蕪反寇邵志賜
金綺乞養歸薦知南昌府丁母憂時年四十即請致
仕築室郊西與布衣衲子為文酒之社又四十年卒
梁之清節同邑以為張寧後一人其自為墓誌言貧
不屈身仕不易節隱不干譽老不妄求有西臯集生
四子長韶字聞叔婺川訓導公安教諭撰論語逸編
一卷

見經義考

次夏貴溪永次勺官提舉司提舉孫祖保

能詩尤精茶理種竹千竿中構一樓謝客吟詠其中
人以為有梁之風子北斗

北斗字秉文號乾所為文好苦思至忘寢食萬曆
辛卯舉人壬辰進士授中書舍人丁酉典貴州鄉試
考選工科給事中乙巳京察以年例外轉上用輔臣
沈一貫言盡留科道之被察者及都御史溫純乞休
北斗亦引疾歸無子北斗晚年病目不能視庭中畜
鸚鵡一甚慧黠每為傳說及卒家人舉哀鸚鵡自籠
中躍出悲鳴者三不食死

祖重燧字君闇號函三海鹽人祖晟宿州訓導有東
歸遺稿一卷重燧萬曆戊午舉人己未進士授行人
天啟丁卯充順天同考選工科給事中崇禎御極疏
糾南織造太監李實崔輔廟秉謙阿璫明史稿崑山民積怨秉謙聚眾戮辱之屋室資財焚劫殆盡秉謙年八十倉皇竄漁舟以免乃獻窖藏金四萬於朝寄居他縣死
時邊撫數易上言先朝如周忱于謙等皆以久任故
能各有豎立今宜畧仿其意使得少展以收成效進
掌本科印寧遠兵缺餉而譁撫臣畢自肅自縊重燧
言寧遠斗大一城一督帥轄之有餘何事十年九牧

又論溫體仁宜去者三明史稿溫體仁傳給事中祖繼論體仁熱中會推劫重燬南京給事中錢允鯨相言者以黨帝皆不聽尋以巡視廠庫染指論戍重燬在朝稱敢言惟糾吳縣知縣陳文瑞物議少之崇日鈔吳民葛賢等參重燬遣牌接眷入京用大座船二隻緯夫八十名行至蘇州泊舟閭門船戶管家包攬客貨誘商唐盛等搭載商慮阻滯徑將客布四十餘筒裝入官艚諸商赴訴本縣立拘船頭羈候并請撫按勒石閭胥二門嚴禁座船私載本縣有一二勢家為縣官裁抑遂布謗言科臣以挾私報復晟族孫重光字涵章孤貧力學萬曆壬午舉於鄉卒卒後一年妾伍氏晨起見之哭竟日亦死

嘉禾徵獻錄卷二十四 各道

郡人盛楓丹山輯

男支焯校訂

王貞

桑慎崔永

姚瑄

漏瑜

殷昶

沈琮祖珍 父昇昇弟昊

肆

啓父渭

垣

父先 兄聖兄子維鑒
子維鏡從孫紹心

煉

父樾 孫維鏞 維錡

圻

煦

父樟 子珩吉從孫問之

燮

父樞 子壕壕子維錡

萃禎

弟祀禎 子日昆日晃昆女適金

君楨

一卿父鏡

瑋父顯嗣曾孫良材從弟琮

朮

世延弟世坊子祖錫

熠長子在次莊莊子洪鑛五子墜六子垂垂子鉤

泓

陸愈

天盾

中柱

劉泰遠祖尚父鳳鳳子昂鳳子孫槐昂曾孫模

演父珏

炆子世甄世維

世教

渾

姚綬父黼子甸甸子惟芹芹子堦

錢春

曹瓊子乾次元

孫迪

彭宗孟

長宜

弟厚廣

期生

孫貽

曹谷

朱學顏

始祖銳祖璠父範季父朝笏從弟學斌

學忠

泰禎

祖篚父正學

高欽舜

族祖格

郭紹儀

王貞字貞德

一作慎德

嘉興人洪武庚戌開科貞中浙江

鄉試授合水知縣調在平時方用兵疲於供應貞善

為節省以註誤左遷廣州府司獄未幾拜監察御史

貞工翰墨與會稽翁好古友善禮部尚書張壽愛其
文輒稱賞之

桑慎字仲修由武進徙嘉興遂為嘉興人洪武初以
儒士薦授翰林編修改河南道御史巡按廣東奏誅
所屬衛使張榮坐不避八議謫充瓊州軍未幾召還
詔命未至而慎卒廣東通志有傳慎之未卒娶廢韓先為崔
氏婦有子曰永○崔永字彥齡海鹽人韓隨慎戍海
南永思母不置徒步至瓊時慎已歿會慎有賜環之
命奉母以還在舟遭風母溺焉永入水負之出母活

而永以中寒死江西布政茹太素憐之為之營葬俾

母驛歸海南人稱為崔孝子

廣東通志有傳

姚瑄

或作宣

字孟孚嘉興人洪武丁卯舉人授彰德府

通判以薦遷福建僉事革除中拜御史靖難師入金

川門瑄死之永樂改元詔有司籍沒奸黨家屬財產

嘉興知縣李鑑憐瑄弟亨不籍上狀左都御史陳瑛

劾鑑訖奸下法司逮訊

英風紀異陳瑛以叛逆不處

答瑛決意泄忿一日閱傳建文尚名舉朝大吏俱不

瑛即密奏方黃諸家門生故吏結為死黨且號稱同

志以虛名惑眾宜下令捕之正犯凌遲妻孥流二千

里安置房屋器物盡沒入官上惑焉命瑛便宜行事

以是恣肆羅織鈴壓刑理二法司革除諸臣非惟戮其身且戮其九族又及其九族之外親又延至九族外親之外親師友鑑至上言初奉都察院文無亨名交游株累無算上曰當連坐而不籍亦慎重之意知縣無罪釋之亨遂不問鑑旋召為御史

漏瑜字叔瑜號越南會稽人建文初歷河南道御史

靖難後不復出僑寓烏鎮好詩○時有鳳陽唐其諒

以文史院出署天長丞亦來寓與鎮人運同水宗道

一作宗達吳江澄原太常博士孫孟吉字兆正時儀

鄉人時年八十二鑒司序班趙義字伯高宋安定郡王及吳煥字汝文

曾孫時年九十一

有怡菴集
時年九十趙岐字伯通宋安康郡王宗胡敏一作壺
行以其八歲能詩命名好乘舟而游自號浮瀾先生
善畫所著有竹松集二卷吳楚資糧二卷與唐其諒
錢郁俱年石門令錢郁字耀字臨安人本名燿因費
未及八十石門為九老會集其倡和之作為烏鎮九
安鄉貢授崑山教諭遷知石門為九老會集其倡和之作為烏鎮九
老詩瑜年八十餘卒著石軒集失傳

殷昶嘉興人由縣吏充都察院令史永樂丙戌與同
院令史方與俱授監察御史出按福建所屬行都司
都指揮僉事劉達受贓事覺賂昶以免戊子刑部尚
書呂震奏正達昶罪達以八議故貸死謫令巡海備

倭昶永成盧龍衛

沈琮字公禮號石牕始祖文俊本烏程人避事至海上因家平湖國初有名珍者字穀瑤太祖東征過郡輸穀百斛上言十事稱旨賜食授以官不就琮其諸孫也父昇里中稱長者昇弟昊與陸珪共建學宮及生琮穎悟與弟珪並有文名琮正統戊午舉人壬戌進士授南武庫主事攝車駕職方武選三司事由本司郎中出知夔州府改重慶以父母喪不赴再補廣州州屬省會劇郡又時方多事開軍府羽檄旁午珠

璫數魚肉良民琮初至葉盛為巡撫言無不聽及林
幹代盛浸不見信遂以疾乞休未及歸卒於廣琮家

居奉先事親情文俱備教弟子有儀範父母喪兄弟

廬墓六年不茹葷詔旌其門

天順實錄五年旌表孝子沈琮之門曰孝行琮

父歿負土築墳植樹廬墓朝夕哭泣日食淡粥有白鶴野雉之祥故旌之七年琮奏臣先任主事與弟御史琿同廬墓琿以陰濕成疾而歿是為死孝過臣遠甚臣被旌而琿不及乞移臣之典於弟部議寢不行

琿字公貴正統甲子鄉試第一景泰辛未成進士

官山東道御史丁父母憂與兄琮廬墓雞骨不支而

卒年三十八

靜志居詩話公貴少與兄公禮齊名公禮詩有石窗漫稿予少日曾見之記有

穉程香生秋雨後枯槔聲斷夕陽前雨餘竹外僧歸
寺日出松巔鶴下巢山花帶雨落成片野鳥見人飛
作羣之句今其從子榮
集不復再覩矣

榮字元節號吾匏父渭有學行琮琤兄弟受業焉

榮景泰丙子舉人天順甲申進士授南都水主事監
龍江商稅遷屯田員外車駕郎中出知潮州府嚴海
舶之禁丁艱補臨江復調延平尋陞貴州右叅政乞
養歸為詩文冲淡純雅有頤真集兩浙名賢錄
有傳煉附見

垣字子完榮之孫也父光鄉貢兄聖字子宣嘉靖
乙酉舉人丙戌進士官山陽知縣垣嘉靖辛卯舉人

乙未進士授左評事歷寺副寺正憲囚廣西陞知汀
州府至河間聞母喪不赴服除補惠州事至立判每
一紙示民必中情理中瘡卒於途年四十八兩浙名賢錄有
傳子維鏡諸生好聚書有罪玉漫吟兄子維鑿富陽
訓導桐城教諭益府教授從孫紹心字懋貞號五客
萬歷壬子舉人焚餘稿吾邑文人特盛會場中如前
科多至六七人戊辰及丁丑甲辰乙未己未乙丑諸
兩入同考戊辰復入主考則三科皆脫同袍以是甚
忿謂施有意遠嫌先於卷面有所別識余獨以為不
然蓋因沈晴峯甲戌同考得馬廓菴薦之撫裁業填
中矣及折號見姓名竟以避嫌斥落故人以是疑羽
王然羽王實無意也時吾邑會試者二十一人沈五

客既納卷聞主考命下投筆不入曰吾
當省此三日辛苦榜發羣服其先見

煉字剛夫父樾字元樾能詩有樗軒集煉弘治己

酉舉人已未進士授刑部廣東司主事歷員外郎陞

江西僉事本省右叅議桃園寇猖獗身赴險難卒撲

滅之孫維鏞嘉靖戊子舉人諸孫維鏞計降倭酋制

府許以官不欲乞免沈氏十年田稅平湖縣志倭巢

募善說者庠生沈維鏞請往胡問策鏞曰倭巢鏞室

當以主人禮進鏞有繞舍田數百畝因寇荒蕪誘彼

屯田徐圖說之胡善其議鏞儒服入倭叢中為敘主

客禮議論頗洽說以耕種之利并為計久遠倭頗信

之倭卒受職集

圻字子京煉子弘治甲子舉人正德辛未進士除
江西道御史忤權要降高郵州判官量移休寧知縣
休寧志稱其以儒術有傳遷知和州有惠政州人思之志
飾吏治振作士類傳歷貴州山東僉事陝西副使貴州右叅政致仕

煦字潤夫號春暘父樟蘇州府經歷煦弘治甲子
舉人廣州府推官奉表入賀卒於京邸子邶吉水教
諭邶從孫問之萬曆乙卯舉人

燮字泰夫榮族子父樞天順時以貴豪里中獲罪
坐死燮徒步走闕下訟冤拘繫八年疏七上乃得請

燮歸抵蘇州而詰旦獄且決號泣祝天大風忽起一
夕抵杭減櫓死流嶺表後赦還燮子壕壕子維鈞嘉
靖甲辰乙巳間旱蝗隨父壕設糜賑飢全活甚衆維
鈞孫萃楨

萃楨字君聚號哀中萬厯癸卯舉人癸丑進士授
都水主事督荊州關稅以羨金築沙市隄捍水還厯
南武選主事職方員外車駕郎中出知蘇州府舊派
福府白糧詔令協濟五年至是已七運萃楨格不供
歲饑諸惡少屯聚劫掠密擒首事三人斃杖下遂定

識文震孟陳仁錫於未第時親詣其門修主客禮天
啟初元卓異第一遷福建副使備兵興泉紅彝入犯
銅山直侵中左萃楨移駐同安出奇兵撓之五月而
就款就遷本省叅政司郵傳以母老乞歸御史曹欽
程初知吳江賊私狼籍萃楨按之如法至是黃緣魏
璫入臺誣劾萃楨論降剝復錄天啟五年三月御史
按提問追賊御史黃尊素李應昇俱劾奪叅政沈萃
楨知縣吳煥俱降三級以曹欽程叅之也欽程謂萃
楨神通速化奉旨周宗建以貪儉躁至叅政又欲引吳
煥為接手至倡私學崇禎改元刑科給事中張國維
於都城內尤屬不法

白其事起湖廣叅政備兵岳州尋加湖廣按察使備
兵蘇松不赴再補福建按察使備兵福州時山海寇
盜叵測巡撫鄒維璉新至未習閩事冠有欲降者意
尚觀望聞萃楨至乃相率降事聞賜金尋進湖廣右
布政使備兵蘇松親老辭歸子日昆字以白崇禎己
卯舉人日晃字以大諸生國破不復出日昆女適諸
生金光宸光宸遭亂死女撫其孤以苦節著萃楨弟
杞楨萬厯癸卯同中式

君楨字用岳萃楨同祖弟也天啟甲子舉人乞恩

瑞安教諭捐俸新文廟遷知奉新縣按察使吳麟瑞
欲籍故副都御史帥衆家產君楨以帥名御史無子
為其家人誑誤力爭乃免調繁德安罷歸

中柱字石臣號摩青萃楨從弟口吃篤嗜古學思
致甚敏崇禎己卯舉人庚辰進士知吉水縣綜覈名
實事無大小皆立斷尤與清流為莫逆一時士民咸
戴之吉水志有傳國破歸薙髮為僧名行燃號無諍居士
著懷木菴集

一卿字應夔號麟江琮族人居平湖之虹霓堰父

龔嘉靖中為南安訓導還黃梅教諭一鄉隨父任荆
王選為崇明郡主儀賓子孫遂為湖廣人後改姓嚴
張友心東湖乘故事王府將選儀賓官於其地者子
弟皆得送選開選之權在各府經歷凡送選者必費
數十金經歷與沈不協開送其子不得已赴選王與
郡主皆寓樓選者數十人集樓下人一盛席沈意不
在選舉著大啖餘皆為文雅態王舉目周覽謂郡主
曰汝意何屬主顧沈王曰我意亦然坐如山食如虎
是人有福沈食未已官女捧絳毬自樓擲下直墮懷
中官監羣捧而入餘皆駭散赤捧數十人逐之出
一鄉之祖為安慶司李不知其名見於其父龔作孀
守說在海鹽劉氏家譜中查選舉志成化辛卯舉人
有沈隹注推官甲午順天有
沈綬亦注推官未知孰是

劉泰字世亨海鹽人遠祖恂元至順中自陳留為海

鹽州學正經亂留家鹽之陶涇父鳳字景儀遇事慷慨以身殉義永樂中海寇猖獗上備禦之策沿海沈家門地接大洋海寧衛兵更番往戍每遭覆沒鳳詣闕上書乞罷戍下所在有司并詔問鳳能否保數十年無患鳳上言願以百口保之特允裁革浙西夏稅甚輕掌賦者或重其科民以為患鳳時老矣令子昂疏請於朝并夏稅於秋糧中帶徵得旨又議海防置九里三砦烽火易達亦如其言九子泰年二十三正統甲子舉人景泰辛未進士改庶吉士擢河南道御

史壬申巡按遼東尋詣淮安勘大臣不法事劾京畿
積牘天順初石亨恃功驕恣諸御史楊瑄等劾其跋
扈泰已受詔巡南畿以與為彈文逮獄既出仍往南
畿至徽州有暴橫鄉曲者當流郡縣文致以大辟連
逮者甚衆泰至立平其法民屠狗祀神奸吏詣府首
告誣以詛呪守發人捕之訛言煽亂懼而自經者數
輩泰即械告吏使人號於通衢民始定舊得疽疾還
至京復發而卒兩浙名賢錄有傳鳳玄孫稅南康府訓導主
白鹿洞書院歷弋陽原武教諭昂曾孫模龍陽訓導

英山教諭

瑋字公奇號拙逸鳳孫父顯不仕瑋成化庚子舉人甲辰進士授行人奉使韓藩選福建道御史督兩淮鹽課時鹺法滋弊支兌廢滯後稍變通存積十二常股十八巨商通賄私挾乃至倍溢引額而頑獷白徒越境興販甚與邏人拒敵所司屈於有力者不能盡法瑋規宿蠹繩以舊章商毋挾私占竈之弊上言自今有犯此者所司不禁當律以戍邊遂著為令既而山東旱兩浙大水瑋言齊魯吳越惻瘼一體兩淮

鹽金當移賑報可高郵諸大湖南北縈帶連數百里
舟行其中風浪陡作漂溺莫救瑋乃開裏河四十里
築隄障之中建數閘以疏積水名曰康濟河至今賴
之事竣改貴州道御史巡按廣西丁憂起山東道一
歲出為廣東副使正德初致仕居家孝友廉潔與物
無忤名檣李往哲編兩浙從弟琮字公贊天順間鉛山
松溪兩縣丞顯曾孫良材嘉靖間歷嘉定訓導懷遠
教諭懷遠志有傳

演字文敷號養真顯孫父珙字公鎮以詩名有西

林集演成化丙午舉人弘治癸丑進士授南職方主
事歷刑部山東司員外郎郎中告歸改本部貴州司
逆瑾用事謝病不出瑾誅補四川叅議未赴卒於家
年五十九從子朮

朮字汝仲號石屋山人先世贅同里錢氏因從外
姓嘉靖壬午舉人癸未進士知威遠地素瘠民無宿
聚卒遇水旱不能救朮募穀萬石以備荒仿社倉法
轉借貧民歲息十一積數歲得穀又萬餘石繕城郭
濬隍繞之未幾河北無麥威賴以全流民來附者先

後三千人臨清呂張家殺人獄疑莫能決求按之立
服時議裁河北兵備求上言河北西攝井陘北接紫
荆東控齊魯南抱河塞自居庸諸山抵河上千里平
曠且人儼急尚氣易動兵備官不可罷不聽均威丁
田賦役貧富咸便行之一年畿輔郡邑皆請於上官
願求均之乃徧歷旁邑惟內黃南和獎尤甚經理三
月始竣事民尸祝之

威遠志
有傳

陞營繕主事以疾卒

𡈼字元白號熙臺求次子年二十一嘉靖癸卯舉
於鄉庚戌成進士釋褐金谿知縣至則當更戶籍𡈼

清其隱漏役事以平金穀與分宜接壤在任五年於
嚴嵩父子無片牘往還江西省志稱其寡言笑馭下
有體左右股慄尤注意文學
道德遷南虞衡主事督漕儀真代還攝寶源局復筦
節慎庫歷南車駕員外武庫郎中出知撫州府會閩
廣劇賊林朝曦表三輩剽劫副使汪一中死之蚡治
戰守具率衆臨城出奇擊之生擒賊首李天祿乃退
復城崇仁樂安宜黃三縣繕千金故隄增卑培厚以
為民利民立祠祀之顏曰大功上平賊功賜金綺轉
福州兵備副使閩方潰於島夷崔荷蜩起蚡立賞購

募盜遂屏息擢廣東右叅政羅旁綠水諸酋桀驁巨
寇曾一本因而跳梁出沒雷連間勢張甚爰與俞大
猷戚繼光等贊畫進止隆慶初進貴州按察使貴初
寄治土司無屬縣爰議以為省會之地不可孤置府
治宜革程番府所轄貴陽移治會城為貴陽府而以
其地設附郭新貴縣從之水西安國亨殺其從父信
信兄安智與國亨相讐殺衆議進勦爰謂蠻族相攻
當遣文吏往按責其資錢贖死無用勞師不聽敗於
朵泥卒從其議遷江西右布政使拾遺降湖廣右叅

政分守荆南再徙廣西羅施叅議妖人金雲峯挾術
作符書招納亡命煽誘楚蜀滇黔諸大酋幾倖非望
灼立誅之歸卒於家南工部年八十有三兩浙名賢
官三十年無尺書通朝貴還山子世甄太學生上林
苑監丞管嘉疏署事世維萬厯間於潛訓導厯沅陵
教諭湖州府教授

世埏灼長子幼寡言笑知讀書同邑尚書鄭曉見
而愛之手書彭祖觀井圖銘以授曰慎厥身修思永
可書紳也因字敬修觀井圖銘曰宋太常博士陳靖
曰淳化中余將命之狄邱道由

彭門有客得彭祖觀井圖以貺中有臺榭人物山水
蓋狀其佳象幽致以表繪事之工余無取焉所慕者惟
彭氏面井而覆競競若將墜也樹而贊之古人臨事而懼有
跼蹐而迎視競競若此後之君子能無效歟余實好
若此檢其身遠害有若此後之君子能無效歟余實好
古者歷其迹於傳記雖負而難信然夫子云竊比於
我老彭亦其驗也故履銘於座右曰至哉古人之遠害
全身戰兢兢恒若履冰朽索之馭納隍是慮天害
則之鴻圖永據存而懼亡繫於桑侯則熾其國
必昌若舟弗濟夕惕而厲其大道元亨不爭在醜無愧
惟清執虛如盈士子則之其省行予慎予守竊比
屋漏庶人則之其食孔阜予省行予慎予守竊比
老彭式介眉壽予既繪彭祖觀井圖并錄宋太常陳
公所著銘於上其文義雅博非兒輩所能及也復為
淺近之辭令易解云嗟乎圖不盡形銘不盡意子
淳伯準之仲洵季尚念予言交相敬法汝身何從父母
天地愛之敬之吉元非危何險非易禍福自求服是趨
登高乘舟攬轡何安非危何險非易禍福自求服是趨

是避理不御欲氣不從志顛覆厥德形神俱瘁雖悔
曷追自暴自棄孝子仁人罔敢豫戲事天事親厥心
不貳勗哉諸子夙興夜寐嘉靖癸萬厯丙子順天中
丑三月乙巳室甫澹泉寓金陵識萬厯丙子順天中
式丁丑成進士授行人兩浙名賢錄世延以進士就
其才欲羅致之使人諷意堅不往竟置副卷授江陵
以才望擬選兵垣暮夜有客請問曰公能以四
為我壽名乃定不然易使諸藩壬午改南刑部河南
矣世延謝之名果易弟世坊子祖錫光祿寺良醞
司主事卒於官南刑部志有傳弟世坊子祖錫光祿寺良醞
丞終南安府經歷

世教字少彞號廣垂矧少子性沈淡好讀書時浙
西苦澇著荒著畧十二篇獻之當事欲留浙漕以備

荒不可得作幽憤集萬厯庚子中順天鄉試

家傳庚子北闈

主考為崑山顧公天竣崑山國爰立與王公圖

名在崑山錄歷南御史段公然遂中以白簡癸丑公

車後乃

謁選乃知閩清縣邑處萬山中無城郭土多不毛令

民種木棉備紡績具進其土之老嫗肄之使徧告其鄉邑署侯官尤溪有聲世教精於吏治而其妻輒通賄賂不能禁乃乞休歸有研寶齋集

熠字元麗號東沙模之長子嘉靖庚子鄉試第三

人乞恩休寧教諭廉介自持與諸生講論必軌於正

邑有程朱祠久圯熠更新之

休寧志有傳

充山東鄉試同

考入為南國子博士擢南雲南道御史未至官卒於京邸有同春堂遺稿長子在字敬德寧國主簿終梧州府經歷次子莊不仕莊子洪鑛永康訓導遷金華教諭終寧波府教授第五子墜字敬安長興教諭終唐府教授第六子垂諸生垂子鋹字子嘉温州府訓導終楚府長史在孫渾泓

渾字爾濛號徐清萬歷丙午舉人知永明縣張獻忠亂渾預以財物結諸蠻酋寇逼舉烽羣蠻絡繹山谷跳刀為前行渾率鄉勇乘城鼓之又間募死士夜

溝其地冠至率陷終渾任不敢犯忤上官落職歸

泓字止澄號長源家貧輟學宗黨或嘲笑之年十七始發憤就塾萬厯乙卯中式己未成進士除都水主事出督夏鎮河道夏鎮素號安瀾楫石無費乃覈積歲錢糧封貯徐州官庫未幾以艱去起兵部員外奉詔頒賞九邊還遷武選郎中值軍政疏請局署不出以絕夤緣擢淮徐兵備副使徐當河決之後盜賊蜂起蕭碭間劇盜李復陽晁廷官王安等各聚衆數萬泓擒其渠帥散諸脇從開濬馬陵山駱馬湖口等

處致仕歸泓初第後尚未授職天啟辛酉順天鄉試
為同考得士十一人劉氏自泰至泓累世簪紱門閥
甲於一郡泓歿後子孫漸不振云

姚綬字公綬號穀菴嘉興人

靜志居詩話先生居大雲寺之東故亦號雲東

逸父黼字廷章能詩有可間先生逸稿綬自少雋異

不從俗好事母許至孝景泰癸酉舉人天順甲申進

士官廣東道御史巡鹽兩淮淮揚饑出官粟賑之上

聞璽書褒美成化初謫知永寧縣數年以母老乞歸

靜志居詩話集中永寧有感簡周縣諭詩云孤臣漂

泊萬山中家住鴛鴦湖水東為縣底須論地僻謫居

應不笑文窮五株柳樹無端綠一點榴花作意紅八
百灘頭船可買思博何必待秋風今府縣志但云出
知永寧錢氏列朝詩綬工詩善畫摹趙孟頫王蒙稱
集加一府字誤矣

神似家有丹邱室振衣亭出垂滄江虹月之舟粉牕
翠幙吹竹彈絲望者以為水仙自稱丹邱生又號蘭

臺逸史天田老農上清仙吏嬾仙仙癡紫霞瑋月翁
藏異書古玩於層樓周以曲池一夕火自樓中出焚

之殆盡俄而舟亦火綬遂端坐逝年七十四

兩浙名賢錄有

傳曾孫堦刊其詩文三十卷題曰姚侍御集又著大

易天人合旨十卷

沈周客坐新聞崑山王老嘗窖金千兩後以賦役逋負州司督促發

之已罄然無遺王請凡仙降書云七幅布裙兩人做
王莫喻其旨又書云去問姚公綬王備筐篚叩之公
綬給曰償我半言之王許三之一公綬曰三日後到
汝家言之既至悉召其大小呼名一過有馮姓者兄
弟二人公綬謂之曰物為爾兄弟發認之賞子旬字
不然鳴之於官二人懼出其物毫忽不費子旬字
用宣供事仁壽殿授鴻臚寺序班有觀頤摘稿一卷
旬子惟芹國子生亦能詩有東齋稿即堦父也堦字
子玉諸生

陸愈字抑之號貞菴平湖人天順壬午舉人成化乙
未進士知江都躬歷窮鄉詢民疾苦邑濱大江其田
渰涸不常或化為洪波而稅額不除遇淤沙可耕復

為豪家占奪貧民不能爭尺寸愈乃以新田償舊額

而兼并者杜之設法均牧馬之役貧者以蘇巢縣志
江南民十一戶養一馬江北五戶養一馬歲征一駒
外給官鈔三百貫買附餘種馬一匹如種馬無駒附
餘有駒則以附餘補數若皆生駒則賣一與本群無
駒者償官其戶內稅糧盡免征納永樂間遷都北京
孳生益繁增養馬地方益廣更以五丁養一馬每兒
馬四匹起其一以赴京餘者積銀買馬備南京騎操
正統間二歲征一駒成化間三歲征一駒弘治十七
年以丁力不敷議免糧田地養馬每二頃養一兒馬
三頃養一種馬每種馬四匹配一兒馬攢於一處以
便孳生每五十匹為一羣內選羣長一人獸醫一小
州縣每各設牧馬草場隆慶三年因孳駒弱小類
多棟退逋欠數多馬戶逃竄而孳牧之法難行將原
養種馬選其老弱瘦小者變賣一半每馬一匹變價
十兩解部仍每匹照征革料銀一兩呂涇野集南

都牧田之外尚
有雞田鷺田
沿江民不知蓄洩又邵伯鎮陂塘每
為淮水所嚙愈於內開渠自為灌輸歲凶民鬻子女
於江南捐俸并公餘贖醵償而歸之至數百人每新
穀未登發舊廩以賑約秋成償納屯卒為暴單騎往
擒其渠魁奏置巡檢司控制上官緣是誣及平民數
百家愈爭之彊累月乃釋揚州府志有傳擢廣東道御史監
通積局竹木巡視京倉丁內外艱起補山西道巡按
四川愈謂蜀在萬里外去朝廷遠宜任法乃鋤豪強
發諸奸伏上自藩邸下及羗中酋豪皆畏其威而於

死獄獨多矜宥以盛暑按部得疾卒年五十不崇佛

老及諸淫祠在江都判嫁女尼甚衆

兩浙名賢錄有傳

錢春字應仁嘉善人母疾割股愈之讓祖產於兄或干以非意則閉戶勿校成化癸卯舉人丁未進士授行人乞分俸即家養母許之擢陝西道御史告歸卒

天胤字延之春之族孫萬厯戊子舉人辛丑進士

知攸縣勤慎樸素毀諸淫祠尤詳慎刑獄

長沙府志稱其不趨

世習雖時尚豐饒一切屏除猾吏奸豪望風束手

丙午充本省同考拔李若

愚入為都水主事遷車駕郎中卒於京師

曹瓊字玉夫平湖人成化丙午舉人弘治癸丑進士
選庶吉士改貴州道御史尋卒子乾六歲時孝宗聞
其夙慧以神童召試賞賚甚渥次子元嘉靖壬午舉
人

孫迪字吉夫號樸居平湖人弘治戊午舉人己未進
士知旌德縣潔己下士聲稱藉甚

寧國府及旌德縣志俱有傳

召

拜山東道御史巡按兩廣舉刺有風裁忤劉瑾謫德

安府推官瑾敗遷南刑部主事進虞衡員外郎以病

歸

兩浙名賢錄稱其晚年耕牧蠶績稍有餘財田宅

之外書畫連屋鼓鐘壘洗選畜精良

子

布舟與百務并并顧其好善嫉邪別白太過時有憎訾不惜也

彭宗孟字孟公號天承海鹽人讓世爵於弟宗周而

就文試中萬歷庚子舉人辛丑進士知朝城縣癸卯

充本省同考調繁滕縣行取南吏部主事擢河南道

御史辛亥京察後辨擊紛起朝野見聞紀畧故事外

未之歲京察六年一舉在巳亥歲前此縱有一二中

傷巧避者未甚也至萬歷末年翻覆報復每六年一

變變者再三而國隨之矣其後所被攻擊者大都號為

當庚戌科場物議紛紜之後則皆所謂東林黨也主
浙黨而凡列大僚半為秦人則皆所謂東林黨也主
其事者家宰孫公丕揚佐之者少宰耀州王公圖也
於是浙黨皆自危而管察者吏科都曹于汴掌河南
辭點綴并侵耀州而管察者吏科都曹于汴掌河南

道湯北京交章効其攪亂察典斥為民時詞林中宣
城之湯與號崑崙山與李又號顧李皆為黨之有氣力者
顧與湯號崑崙山與李又號顧李皆為黨之有氣力者
以言者先降調矣皆在應察之數而畏其側目顧李則
專主耀州人毅然下筆湯顧皆以秦人不謹永錮李以浮踪
并解於耀州人亦坐年例外轉於浙黨譚然嘗以陽
求與交關部郎秦聚奎遂有舍死圖報之疏蓋以功
相凡被察而自辨與代人辨者皆發口外為民故言
令為之也旁觀亦謂察典偏黨太甚故稱秦為敢言
罪其疏中有今年算命該死之語為時所笑焉湯所
特不乎者不謹二字然其居鄉貪淫無比居閒武斷
最行里中聞此民有娶妻而美者輒令其取歸家
橫以為妾如士一有妻而生偏天不莫可如何而韓
占以漁色頗得其傳亦生謂衣卦矣要之東林未
嘗無小人之修邊幅者多浙黨未嘗無君子而踰未
檢者多顧之為人深大有城府相傳詞林前輩在其
上者皆陰為芟除己大拜地以是見畏惡於人而

其苦難則閹門養重清嚴無比與湯有黃蘗之別至
於湘澤之李亦為東林所處其定不知何以楚中全
南以趙宣城諸生之被湯奪其妻而許寃者東林惡
而獲其官一且亦為東林黨魁後來殺身之禍名為
封疆而實死於門戶其中偏其反而之故有草野所
不得而知者矣又六年為丁巳之察則浙黨用事專
不量別野生且被王紹徽用其黨之狂狷者為應甲
為其弊巡撫魚肉諸秦人而擢州幾不保其身家則
反顧之禍更甚於前矣又六年為癸亥則保神宗厭代
之役凡東林推折之餘僅存碩果無不起廢籍居要
路而高邑趙公南星為冢宰復盡斥所黨且首破從
來舊例宰丁巳所處不謹者皆復起官然得志未久
即有運璫之禍凡禍之而驟貴至蟒玉盈朝者皆漸
室也許之而被禍至肝腦塗地者皆東林也於是數
十年來是非邪正之互相指目者至此而若其定歸
焉其中亦有幸而為君子不幸而為小人者然其禍

福所受亦足以償之矣至己巳之察則在烈皇帝定
亂誅奸欽定逆案之後取其罪之稍輕而未入於逆
案者皆入察典遂為春秋之筆削至弘光南渡一二
遺奸誅鋤未盡者復起用事將甘心於諸君子其禍
當不下於逆璫宗孟再疏申辨畧曰年來爭淮撫爭
會國亡而止考察爭東林玄黃之戰已酣涇渭之來未判雪消現
見無路藏身計惟有舊輔沈一貫夙犯公論可借以
籠罩言官掩遮垢穢於是不問其人之曾否識面官
之曾否同時一觸邪鋒即推四明之黨甚至如諸臣
駁正起廢一事有何相涉亦牽附於四明之流毒浙
人之主盟則凡官府朝野之間禮樂刑政之類少持

正論便納黨中使言官無一事得闕其說而後謂之
非黨歟嗟乎昔之黨錮在標榜之相借今之黨錮在
萍水之未逢昔之黨錮在同方合志之傳今之黨錮
在特立獨行之士臣等浙人誠不忍見清平之時開
白馬之禍再惟辛亥以後輔臣李廷機大司徒趙世
卿太宰孫丕揚少宰蕭雲舉南少宰史繼偕南兵
黃克纘掌院事孫瑋太宰趙煥先後各以事去班列
為虛此其禍起於浙人乎起於他人乎獨副院許弘
綱之去自丁元薦首攻之此其人又所稱浙之正人

也若少宰王圖翁正春以公論不容而出浙人亦不能違公論耳萬歷辛亥京察紀事都察院右副都御史許弘綱為贊計無能等事畧云今次會議原無同異惟是太宰之見主於去邪勿疑而臣與各部堂上官兼有愛惜人才之意未免一費商確此向來會議之常何至如道路流傳之說哉主客主事丁元薦論弘綱不應過為寬解刻意調停御史徐兆魁為部臣借事發端等事參元薦并明政東林兆魁曾參淮撫李三才為東林所斥極贊王紹徽喬應甲劉至浙人之見怒於奸邪別自有故先是枚卜未上于王立遣腹心鄔子玄來寓能仁寺中徧處招搖擁戴某某臣等以為詞林業在需次雖欲避之不能況下由廷推上由聖簡販夫豎子何能少與不過襲

前日之故智效奔走之微勞異時居為己力便其私圖語聞於人目側於浙矣王立又遣人說臣等有所擁戴無一應者誠不敢趨附以失其生平非有意阻撓以妨其進取也熱中之途輒為浙人不相容之罪案怒愈不解又恐止據浙人不屑擁戴之一端無以動當塗之傾聽乃轉相浸潤今日進一言曰浙人合算欲為四明結黨報讐也明日進一言曰浙人造單欲以賊私裝陷輔臣也以剥膚之災默動輔臣而且自結其微誠以驅除之術顯寄四明而因別洩其私

忿在輔臣豈遂嗾羣小之傾陷而豈知設械之隱一
至此哉臣一念愚忠至死不悔第求事理一明則盡
逐浙人以成羣小先驅之功無所不可何必以四明
累浙人以浙人累天下也不報李樸原疏謂孫瑋爭
執掌則羣攻之湯兆京爭執掌則羣攻之孫居相周
起元李邦華等爭執掌則羣攻之今去者去罰者罰
矣孫居相一人耳何能為黨彼浙人則姚宗文劉廷
元等湖廣人則官應震吳亮嗣黃彥士等山東人則
一詩教等四川人則田一甲等四省合為一夥結為
上試思孫居相一邦等猶不過托勢附炎之人耳皇
乎至如賸私數萬之黃克纘已叅者反為留用清風
百代之顧憲成已死插標竊爵之趙煥猶為稱功頌德
賔猶為打點出脫插標竊爵之趙煥猶為稱功頌德

執法不阿之孫瑋反為誣捏驅除殺人媚人之熊廷弼反為抵死求解賄買科場之韓敬已經公議猶為稱冤云未幾巡西城及蘆溝橋出按湖廣丁父憂歸服闋起視京營又起山東道御史皆不赴子長宜期生長宜字德符號申伯萬厯乙卯與弟同舉於鄉崇禎癸未登進士知上海縣科條寬簡猾吏頗易之而摘發常中隱微舞文者屏息先是浙東民變又寇警日急巨室蒼頭奴聚黨劫其主人索質券因焚廬舍取金帛巡撫以兵擒斬數十人遂定巨室因而修怨告捕日衆長宜至以為首惡既誅宜停追躡全活數

百家巡按御史遣兵戍川沙防亂長宜曰民變非盜賊比也有司治之足矣御史為撤兵去尋有愚民相聚立教至數千人督撫將加之兵復固爭得免邑多逋賦長宜徵收悉省其羨入又以催科鞭扑多伍伯受錢亦賦所由耗乃弗予杖第勸令速輸知府讓之謝曰與其督責而飽隸橐不如寬之使悉入公家且民貧或鬻子女以償一官何有而忍敲撲以博最民間之益感悅賦入逾他縣夏亢旱徧行村落視災傷力請臺使上聞減歲額什一家去所治二百里月載

酒米自給惟市鮭菜猶浮價償之甲申挂冠歸民號泣送之刻木像祠之城隍廟西傳維新明書入循良載名國破隱居豐山遇兵被傷卒有瞿瞿齋詩稿弟厚廣亦死於兵

期生字觀民萬曆乙卯舉人丙辰進士乞恩徽州府教授入為國子博士遷都水主事管節慎庫歷本司員外郎郎中出知長沙府調揚州引嫌改南昌巡撫楊邦憲風有司請建魏忠賢生祠期生不可士紳熊明遇樊尚燦胡良機等皆以忤璫流戍保持甚力

初至逋賦山積不二年積逋盡清而民不困崇禎初
丁父憂去官補濟南府坐失囚降湖廣按察司照磨
量移應天府推官江南通志稱其遇事明了畧無停
滯之官不携家室屬邑例供薪米
不受悉却歷南職方員外郎郎中甲申獻賊陷袁州巡撫
臨吉左都御史李邦華薦其才遷湖西兵備僉事駐
吉安以計擊斬廬陵丁佃村亂民乙酉南都破
國朝兵逼吉安期生拒守不支城破走贛州偕楊廷
麟招降張安等唐王加太常卿仍令視兵備事贛州
被圍坐卧矢石凡六月城潰或勸之出走期生不可

以手書五紙分屬五僕令突圍出口有一人至故鄉
即持此作訃音可也遂自經死明史稿附楊廷麟傳故吏殮之

石池中守備楊大器移葬萬安縣之百家村有弱水

山人詩集

靜志居詩話先生與楊萬諸公力保孤城

骸未得久之

鄉人胡樞知萬安縣事一夕夢先生語

曰遺骸在縣境

君能歸之故鄉幸甚會大器之友曾

堯景亦以狀

白樞樞資遣之至海鹽家人詰其事皆

合子女旋以

血漬遺骨俱沁入乃慟哭葬之說者比

於思歸之

溫序焉

孫貽字仲謀號羿仁期生子甲申拔貢第一乙酉

後閉門著述有文集百卷又著史論流寇志亡臣表

方士外紀國恩家乘錄彭氏舊聞錄客舍偶聞茗齋
雜記歷代詩鈔五言妙境茗齋四韻合編鄉人私諡
曰孝介先生

曹谷字愚公號石倉秀水人萬曆壬子舉人癸丑進
士知涇縣乙卯充應天同考擢南山東道御史改北
補湖廣道巡按江西旋督應天學政崇禎改元坐薦
洪啟初聶心湯剝復錄心湯查李及疏要典不可燬
列逆案削籍崇禎日鈔南國子助教施元徵參其指
吐罵韓爌文震孟而欲重處煥
猷不容正人得出正氣得伸

朱學顏字子愚其先婺源人始祖順宋嘉定中主海
鹽簿家邑之間琴橋子銘潮陽教授銘子樾鄉學正
數傳生銳贅富人馮宗本家遷尚胥里遂為尚胥朱
氏始祖學顏祖璵字朝華太學生父範不仕兩浙名賢錄載
傳友季父朝笏字期正嘉靖壬子應天舉人早卒學
顏嘉靖辛酉舉人乙丑進士知潛山始至簿書盈几
不為理上官責其廢弛學顏乃命吏呈牘判決如流
俄頃而辦邑志稱其遷雷州府同知坐潛山事論降
引疾歸學顏天安過人然好酒使氣對客常箕踞科

跣不拘禮法以故名位不達從弟學斌字幼思下筆
數千言立就能詩終諸生

學忠字葵愚亦學顏從弟萬厯辛卯舉人知耒陽
縣未多逋賦為均里甲平徭役遷知絳州以法繩宗
藩不得志引疾歸年八十餘卒

泰禎字道子號白鶴學顏從子祖篚鄉貢

履厯祖
管庠生

與此
異

萬厯中青浦訓導待士有恩去任後猶思之不

置覲志
松江

父正學鄉貢泰禎萬厯乙卯舉人丙辰進

士知龍巖縣靈雨崩城漂沒廬舍發倉粟募災民築

之城完而民無轉徙之患調漳浦行取福建道御史
天啟甲子巡按雲南黔道為安奢二賊所梗泰禎檄
蜀兵擒賊首烏利道始通東川烏撒賊合數萬犯霑
益泰禎以六千人率文武吏奮擊破之未幾水藺烏
三大寇入滇益部震動泰禎設伏以待賊至陷伏中
首尾不屬乃驅象為陣橫擊之遂奔詔賞銀幣黔國
公沐啟元驕蹇泰禎以至誠感之遂為所用厯湖廣
道御史掌京畿調南刷卷以族人事謫徽州府知事
入為南車駕主事卒於官著雄文閣集遠人樓詩禮

記意評經義考朱氏泰禎禮記意評四卷存

高欽舜字亦若號思虞嘉興人族祖格嘉靖中以貢
知應城縣欽舜萬厯己酉舉人天啟壬戌進士知浦
城丁卯充本省同考崇禎改元行取四川道御史出
按廣東務以嚴酷繩下復視兩淮鹽課遷河南分巡
副使內璫楊顯名疏糾巡鹽時同前御史張養蒙侵
稅下獄論死籍其家崇禎日鈔顯名奏設增襍項銀兩養蒙私取四萬四千有奇欽舜
舜私取十五萬二千有奇
張養蒙被逮之日刑部某主政過清言二人已得旨
清曰何擬某曰皆辟耳清慘然色變主政問故清曰
張過及秋刑欽舜求先死賂獄官前其名決訖忽訛
卷五

唱停刑養與諸犯皆免時帝雖欽舜性豪侈常事聲
謫監刑御史然亦卒不殺也
色妾媵百餘人治第至數十餘處被論日人多咎其
失持盈之道云

郭紹儀字汾仲號丹葵平湖人萬厯己酉舉人天啟
乙丑進士知當塗縣丁卯充應天同考擢湖廣道御
史巡視屯田上條議十二則忤勲戚沮格不行未幾
落職歸晚遇異人授養生術享耆壽居易錄丹葵嘗
水盈尺許因悟坎離之義又嘗飲酒肆見一人古貌
脩然徧身絲縷如牛毛紅類丹砂異之自言是靖難
時人遂從受養生術卒年八十四
子雍圖襄圖佚

終